


Dä mit em stiffe Huet.

Die Frechheit chönd ich mir nöd leichte,
do mues i stille si,
ich dennge högstens, wie die meischte
das chönd de Hipo si.

S'wird nūme kieset, nūme gsalzet,
de Winterdiensch isch reduziert,
de Schnee wird eifach niedergwalzet
doch find me kein, wo reklamiert.

Nur s'Bauamt hätt's nöd überwunde –
die Manne sind scho starnsverruckt –
bis jetzt hend's no kei Überstunde,
debi sind d'Formular scho druckt.

Dass d'Umwelt langsam tuet verderbe,
das wüssed d'Wiler au;
sie nehmed's mit em Bäumlisterbe
bi üs drum ganz genau.



Bim Vita Parcour fanget's a,
dött fallt's em meischte uf,
was morsch und fuul isch, nemed's dra
und molet Chrüzli druf.

So Sache sött me understütze,
Ich hett drum e Idee:
Im Rothus wör's em meischte nütze,
muesch nur en Pinsel ne.


Denn gohsh i jedes Büro gschwind
luegsch, dass sich kein cha drugge,
molsch öppeneim es Chrütz an Grind
de andre s'Zwei an Rugge.

De Beizer seit, ich mues scho bitte,
tönd doch nöd immer störe;
de Gascht und sini Supergritte
chönd das scho nūme g'höre.

Die beide hend e sone Brente
und alli Gäscht mönd säge,
die fudleblutte Striptis-Ente,
die sind en Dreck degäge.

Es lueget alles uf die zwei
die triibet's au so digg
denn – g'heiet's zwösched Stüel und Bei
à-la-mode «Paris-Chic».

Da, wo sie ussagt, da kann i,
er git sich hoffnigsvoll,
defür isch er, de OWO-Pfänni
ganz umfangriich und – mängmoll voll däbi.




E Frau, die isch im Buuch verstimmt
und dä im wisse Kittel,
dä seit, das Buchweh chunnt bestimmt
vo schlächte Läbesmittel.

Als Notfall mues sie z'Wil verbii
dött tönds nöd lang studiere,
sie säget, s'chönd es Gschwürli sii
und – scho wönds operiere.

Do wehrt sich denn die jungi Frau
de Arzt wird's immer banger,
schlussendli lueget's nomol gnau
denn merket's sie isch schwanger.

Als Gsunde törsch döt use nie,
susch chlauet's der grad d'Schueh;
sie legget di ine Chischte ie
und schlönd de Deggel zue.



Bekannt, nöd bloss im Südquartier
und wäg de PTT
sorgt eine, do verjaggt's di schier
förs eige Renommé.

Vo Bern her chönds go inspiziere,
do loht er sich nöd lumpe